

Orpimmiutaq

Qallunaatut atia: Gråsisken

Latiinerisut atia: Carduelis flammea


Tuluttut atia: Common Redpoll

Sorlernut ilaava: Timmissat

Timmiaqatai: Timmiaaqqat

Ilaqutai: Finkekkut

Orpimmiutaq Kalaallit Nunaata kitaani avannamut Qimusseriarsuaq tikillugu aammalu Tunup kujasissuaniit avannamut Illoqqortoormiut tikillugit nalinginnaasumik erniortuuvoq. Aallartartuuvoq, Kalaallit Nunaanni takussaasarluni aprilimiit septembarimut. Ilaalli Kalaallit Nunaata kujataani ukiisarput.



Ilisarnaatai

Orpimmiutaq kajortunik imaluunniit qaserujuttunik meqqoqarpoq taartunik titarniisalinnik, niaqqumi qaavani siusissukkut aappaluttumik milaqqarpoq, naatsumik sungaartumik siggoqarluni. Ilisarnaatigai aamma tallumigut qernertumik milaqarami, sului qaqqortortaqqarlutik. Angutivissat inersimasut sakiaat aappaluttuupput.

Nerisai

Nerisaraat sullerngit aamma naasussat naasukujuillu, orpiit ivikkallu ilamerngi.

Paasissutissat

Uumaffii: Qaqqat

Sului siaarlutik: 20-25 cm

Takissusia: 13-14 cm

Oqimaassusia: 11-18 g

Manniisa amerlassusaat: 4-6

Manniliortarpoq: ukiumut 1-2-riarluni

Ivasarpoq: ullut 10-12

Piarai piaraasarput: ullut 9-14

Nalunngiliuk?

Orpimmiutaq pingaartumik erniortarpoq qaqqani orpikalinni avaalaqialinnilu. Arnaviaq orpikkani nunamiit qangataartuni ulluliortarpoq, ulluni oqorsaasersortarlugit naasut ilaannik meqqukujunnillu. Arnavissap mannini tukertittarpai.